

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA SREBRENİK

- Općinski načelnik-

Broj: 07-828/19

Datum, 28.05. 2019. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik za 2019. godinu („Sužbeni glasnik općine Srebrenik“, broj: 10/18), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-828/19 od 28.03.2019. godine i , u postupku javne nabavke **Izvođenje radova na izgradnji kolektora za odvodnju upotrijebljenih voda u Poslovnoj zoni Srebrenik 2**, je d o n i o:

## O D L U K U

### O IZBORU NAJPOVOLJNIJEG PONUĐAČA

#### I

Prihvata se preporuka Komisije za javnu nabavku, po zapisniku o pregledu i ocjeni ponuda broj: 07-282/19, te Ugovor za javnu nabavku za **Izvođenje radova na izgradnji kolektora za odvodnju upotrijebljenih voda u Poslovnoj zoni Srebrenik 2**, u iznosu od **296.163,96 KM**, (cijene su sa uračunatim PDV-eom) dodjeljuje se ponuđaču DOO "ITK MUSIĆ" Srebrenik, a u skladu sa ponudom broj: 62/19 od 27.03. 2019. godine.

#### II

Ponuđač je dužan u roku od 7 dana od dana prijema ove odluke, dostaviti dokaze po članu 45. stav (2) Zakona o javnim nabavkama, a kako je definisano tačkom 13.1. tenderske dokumentacije i dokaz u skladu sa tačkom 13.3. tenderske dokumentacije .

#### III

Ova odluka objavit će se na web-stranici [www.srebrenik.ba](http://www.srebrenik.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### O B R A Z L O Ź E N J E

Postupak javne nabavke pokrenut je Odlukom o pokretanju postupka javne nabavke broj: 07-828/19 od 08.03.2019. godine. Javna nabavka je sprovedena po otvorenom postupku broj: 07-828/19 od 08.03. 2019. godine.

Procijenjena vrijednost javne nabavke bez PDV-a je 240.638,84 KM.

Obavještenje o nabavci je objavljeno na Portalu javnih nabavki, obavještenje o nabavci br. 61-1-3-14-3-15/19 od 08.03.2019.godine i "Službenom glasniku BiH" broj: 19/19 od 15.03.2019.godine, Komisija za javnu nabavku imenovana je Rješenjem broj: 07-828/19 od 08.03. 2019. godine.

Ponude po otvorenom postupku za predmetnu nabavku su dostavili slijedeći ponuđači:

- 1.DOO "HIDROMONT" SREBRENİK,u iznosu od 253.384,97 KM i
- 2.DOO "ITK MUSIĆ" Srebrenik u iznosu od 260.378,92 KM (cijene su bez uračunatog PDV-ea), a koje su ocijenjene kao prihvatljive te da zadovoljavaju zahtijevane kvalifikacione uslove.

E aukcija je provedena dana 22.04.2019. godine i nakon iste utvrđena je konačna rang lista:  
1.DOO "ITK MUSIĆ" Srebrenik u iznosu od 253.131,59 KM  
2.DOO "HIDROMONT" SREBRENIK,u iznosu od 253.384,97 KM (cijene su bez uračunatog PDV-ea).

Kako je procijenjena vrijednost nabavke iznosila 240.638,84 KM (bez PDV-ea) a najniža ponuda iznosi 253.131,59 KM Komisija je dana 23.04.2019. godine uputila akt nadležnoj službi Općine u kojem traži mišljenje od nadležne službe, da li ista može obezbijediti dodatna sredstva, kako bi komisija nastavila sa radom. Dana 27.05.2019. godine dostavljeno je pozitivno mišljenje, i da se može nastaviti postupak javne nabavke.

Nakon toga Komisija za nabavku je predložila Općinskom načelniku prihvatanje ponuda, a shodno članu 70. Zakona, i donošenje Odluke o izboru najpovoljnije ponude ponuđača **DOO"ITK MUSIĆ"** Srebrenik **,za Izvođenje radova na izgradnji kolektora za odvodnju upotrijebljenih voda u Poslovnoj zoni Srebrenik 2 u iznosu od 253.131,59 KM.** (cijene su bez uračunatog PDV-ea), odnosno 296.163,96 KM (cijena sa uračunatim PDV-eom). ponuđač je dužan svaku poziciju iz predmjera radova smanjiti za isti procenat koliko iznosi konačno procentualno umanjene ukupne cijene postignute nakon e-aukcije. Takvu preračunatu ponudu dobavljač je dužan dostaviti ugovornom organu prije nego što se potpiše ugovor. Ugovorni organ nudi zaključivanje ugovora na tako umanjene cijene.

U pogledu dokaza za ispunjavanje uslova po članu 45. Zakona o javnim nabavkama BiH, izabrani ponuđač je dužan, a kako je propisano i u tački 13.1. tenderske dokumentacije, dostaviti dokaze o ispunjavanju uslova u roku od 7 dana, od dana zaprimanja odluke o izboru najpovoljnijeg ponuđača. Također, ponuđač je dužan, a kako je propisano u tački 13.3. tenderske dokumentacije, u roku od 7 dana, od dana prijema odluke o izboru najpovoljnijeg ponuđača, dostaviti original izvještaj centralne banke (može ovjerena kopija).

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

#### POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke o izboru najpovoljnijeg ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 2x,
2. Evidenciji,
3. Arhivi.

